

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
OPĆINA MAGLAJ  
OPĆINSKO VIJEĆE

Broj: 02-05-1-1616/17  
Datum, 07.07.2017.godine



Bosnia and Herzegovina  
Federation of Bosnia and Herzegovina  
ZENICA – DOBOJ CANTON  
MAGLAJ MUNICIPALITY  
MUNICIPAL COUNCIL

### ZAPISNIK

Sa 8. sjednice Općinskog vijeća Maglaj  
održane dana 07.07.2017.godine u 9,00 sati u sali  
JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.  
Sjednici nije prisutan općinski načelnik Mirsad Mahmutagić,  
Zapisničar, Nisveta Bašić

**Predsjedavajuća OV**, govori na osnovu člana 59. Poslovnika o radu Općinskog vijeća Maglaj i zaključka Kolegija OV od 30.06.2017.godine, Programa rada OV za 2017.godinu, te ukazane potrebe otvaram 8. redovnu sjednicu Općinskog vijeća Maglaj.

Na današnju sjednicu pozvani su vijećnici parlamentarnih političkih stranaka, SDA-a, SDP-a, SBB-a, DF-a, HDZ-a, SBiH-a, SP/U-a, kao i samostalni vijećnik. Pozivan je i Općinski načelnik, rukovodioci općinskih službi, predstavnici JU i JP, kao i predstavnici čiji materijali će biti razmatrani na današnjoj sjednici OV. Poziv za sjednicu i materijal dostavljeni su OSCE-ovom terenskom uredu Travnik i sredstvima informisanja koji prate rad današnje sjednice Vijeća. Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Pozivam predstavnika općinske administracije da prozivkom utvrdimo broj prisutnih vijećnika.

Konstatujem da sjednici prisustvuje 23 vijećnika.

Nisu prisutni vijećnici Herceg Irena i Josip Jurišić.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa 7. redovne sjednice OV. Da li ima primjedbi na zapisnik sa 7. sjednice.

Nema primjedbi

Verifikuje se zapisnik sa 7. sjednice Općinskog vijeća Maglaj

Jednoglasno

Da li ima primjedbi na dnevni red koji je dostavljen u sazivu za 8. redovnu sjednicu Općinskog vijeća. Ima li prijedloga, dopuna, izmjena dnevnog reda?

**Vijećnik Hajrudin Ferić**, samo želim da kažem da tretiramo ove tačke dnevnog reda onako kako nisu u dnevnom redu a kako bi trebalo. Mislim na 8. tačku. Dakle, da 8. tačka bude kako je predviđeno, parcelacija, 9.10.11 i 12. da se razmatraju pojedinačno.

**Vijećnica Selma Avdić**, pošto sam ja tražila zapisnik sa 6. sjednice OV i svoje izlaganje sa 6. sjednice Općinskog vijeća, dobila sam odgovor i odgovorom sam zadovoljna jer tu je izneseno svo moje izlaganje. Uбудuće želim da naglasim da sve moje kolege vijećnici treba da naglase, kako je meni rečeno u skladu sa Poslovnikom o radu član 95. da traže da se njegovo izlaganje unese. To važi za sve nas ne samo za mene, i svi vi koji budete izlazili za ovu govornicu treba da tražite da se unese vaša diskusija u zapisnik ukoliko želite, kao što sam i ja tražila a ne samo da to bude upućeno meni.

**Predsjedavajuća OV**, dakle, potrebno je u skladu sa Poslovnikom, obzirom da zapisnik sadrži samo prijedloge i inicijative, a ne pojedinačne diskusije koje u sebi nemaju samog prijedloga, u tom smislu je potrebno da svaki vijećnik zatraži da se ispoštuje član 95. Poslovnika o radu i da se od riječi do riječi kako ste i tražili njegovo izlaganje unese u zapisnik. U suprotno taj će zapisnik sadržavati samo konkretne prijedloge zaključaka koji su proizašli iz diskusija koje su proizašle iz tačke dnevnog reda.

Ukoliko nema više prijedloga, predlažem slijedeći

## DNEVNI RED

1. Nacrt Strategije razvoja poljoprivrede općine Maglaj za period 2017. – 2021. godina;
2. Informacija o Dokumentu okvirnog Budžeta-Proračuna Općine Maglaj za 2018-2020.godina;
3. Izvještaji o radu mjesnih zajednica za 2016. godinu;
4. Programi rada MZ za 2017. godinu;
5. Informacija o digitalizaciji matičnih knjiga;
6. Nacrt Odluke o dimnjačarskoj djelatnosti na području općine Maglaj;
7. Informacija o aktivnostima vezanim za BBM Brezove Dane;
8. Rješenje o formiranju građevinske parcele za planirani stambeno-poslovni objekat, označene brojem 30 A na planu parcelacije Regulacionog plana Centar Maglaj-sjeverni dio i dodjeli zemljišta Organizaciji RVI općine Maglaj, radi formiranja iste;
9. Prijedlozi Odluka po ponudi za otkup zemljišta Hrnjić (Ibrahim) Said iz Misurića;
10. Prijedlog Odluke o usvajanju djelimične izmjene Regulacionog plana «Centar Maglaj – sjeverni dio»;
11. Odluka o uslovima za proširenje poslovnih prostora, produžavanje roka za prijavu.

Nakon toga slijedi Brifing Općinskog načelnika između dvije sjednice, te vijećnička pitanja i inicijative.

Usvojeno jednoglasno

AD – 1. Nacrt Strategije razvoja poljoprivrede općine Maglaj za period 2017. – 2021. godina;

**Predsjedavajuća OV**, po pitanju ove tačke dnevnog reda pozvali smo gospodina Tanovića profesora koji je radio na izradi ovog Nacrta, kao i Dragomira Dunđera.

**Dragomir Dunđer**, uvodno izlaganje.

**Prof. dr Nezir Tanović**, obrazložio nacrt Strategije.

Otvorena je rasprava

U raspravi su učestvovali vijećnici Nedžad Lokmić, koji je ispred Kluba SDP-a prihvatio nacrt Strategije i između ostalog postavio par pitanja:

1. Koji pristup ste koristili pri analizi stanja agrara na području općine Maglaj i koje potencijale općina Maglaj može i treba koristiti u narednom periodu?
2. Kako bi po Vašem mišljenju trebalo postupiti pri implementaciji Strategiji razvoja poljoprivrede, da li je to samo teoretski pristup ili korektno kroz određene projektne pristupe itd.?
3. Koju ulogu pri implementaciji Strategiji imaju već pomenuta poljoprivredna udruženja, proizvođači i poljoprivredne zadruge? Dakle u kom odnosu oni stoje prema vlasti itd.?
4. Koliko je ovaj strateški dokument kompatibilan sa postojećom cjelovitom Strategije razvoja općine Maglaj za period 2012-2020.?

**Prof. dr Nezir Tanović**, dao je odgovore na postavljena pitanja.

Pristupila vijećnica Irena Herceg, tako da vijeće radi sa 24 vijećnika.

**Vijećnik Safet Jašić**, Klub SDA Maglaj prihvata nacrt Strategije razvoja poljoprivrede općine Maglaj za period 2017.-2021. godina, kao i izlaganje gospodina Tanovića. Klub cijeni Komisiju koja je bila ispred Općine Maglaj određena za izradu Strategije, ali smatramo i postavljamo pitanje Službi. Da li je u Općini Maglaj postojala, znamo da ima još stručnjaka agronoma, inženjera, magistara itd. i da li je postojala mogućnost da se angažuje takvih ljudi još kako bi se ova općinska komisija pojačala sa tim ljudima? Bilo bi dobro da se uključe svi ljudi koji su na općini Maglaj istog faha i onda bi to bilo to.

U raspravi su učestvovali i vijećnici Bešić Mustafa koji se zahvalio profesoru na izlaganju i uputio nekoliko dilema.

**Prof. dr Nezir Tanović**, dao je odgovore

**Dragomir Dunđer**, pitanje iz Kluba SDA je na mjestu i mi smo gledali da budemo što širi i da uključimo što više aktera u smislu izrade Strategije. Gledali smo da uključimo sva relevantna i udruženja i zadruge i poljoprivredne proizvođače itd. Što se tiče stručnog tima, odnosno koordinatora pri izradi, to smo bili ja i moj kolega Eldar. Mi smo davali samo ulazne podatke što se tiče proizvodnje, katastarskih podataka na terenu, objašnjavali profesoru gdje se koja područja nalaze, koje proizvodnje su prisutne, a svakako da se slažem da smo možda trebali uključiti još nekoga, ali nismo imali ta saznanja.

**Vijećnik Hajrudin Ferić**, izuzetno smo zadovoljni tekstom i kvalitetom ove Strategije. Ono što bi predložio da iz ove Strategije zadužimo Službu za privredu, da nam nekad za 2-3 mjeseca ili do kraja godine napravi Akcioni plan za provedbu ove Strategije. Vi ste stavili desetak nekih okvirnih rokova i projekata koji bi trebali, ali mislim da nam zaista treba implementacija ove Strategije.

**Vijećnica Selma Avdić**, želim iznijeti svoj lični stav. Ukoliko se radi o mladim ljudima koji žele započeti proizvodnju, mislim da treba biti određena granična dob. Kao što je već navedeno to treba da budu ljudi mladi do 35 godina, a da im pomoćnici budu oni stariji do 60 godina. Svi trebamo pomoći proizvođačima i dati im punu podršku.

Mustafa Bešić imao je repliku, a gospodin Safet Jašić vezano za jagodičasto voće.

**Prof. dr Nezir Tanović**, kako profitirati na malini? Sve uraditi da se odmah certificira i dobra organizacija. Ja nisam protiv maline. Ja vas upućujem da ima još profitarских jagodičastih kultura borovnica, aronija, ribizla, kupina. Nisam za jednu klasičnu robnu proizvodnju, volim ako jedna izda da ima i drugih. Mi vas samo upozoravamo da dolazi vrijeme i drugih proizvoda a ne samo maline.

**Predsjedavajuća OV**, zaključujem raspravu i predlažem

## ZAKLJUČAK

- 1.1. Donosi se Odluka o usvajanju Strategije razvoja poljoprivrede općine Maglaj za period 2017. – 2021. godina.
- 1.2. Zadužuje se Služba za privredu, finansije i razvoj poduzetništva da učini sve kako bi ova Strategija bila dostupna krajnjim korisnicima dokumenta – farmerima, poljoprivrednim proizvođačima.
- 1.3. Zadužuje se Općinski načelnik i Služba za privredu, da do kraja godine sačine Plan provedbe Strategije razvoja poljoprivrede općine Maglaj za period 2017. – 2021. godina.
- 1.4. Sugerše se Općinskoj Službi da daju prednost mladim poljoprivrednim proizvođačima za ostvarivanje poticaja, ukoliko za to ispunjavaju uslove.

Usvojeno jednoglasno

**Općinski načelnik Mirsad Mahmutagić**, u ime općine Maglaj i u svoje lično ime posebno se zahvalio profesoru Tanoviću.

Ovaj dokument koji ste danas usvojili neće ostati slovo na papiru ili u nekoj ladici, nego upravo ovako u smjeru ovih zaključaka, kao i preporuka koje je profesor dao da ćemo ići u razvoj poljoprivrede općine Maglaj...

AD – 2 Informacija o Dokumentu okvirnog Budžeta-Proračuna Općine Maglaj za 2018-2020.godina;

**Senada Alibajraktarević**, uvodno izlaganje. ..

Načelnik je ispoštovao zakonsku proceduru, usvojio je Dokument okvirnog Budžeta do 30.06.2017.godine i informativno je danas na ovoj sjednici OV.

Otvorena je rasprava.

Nije bilo rasprave, zaključena je rasprava i predloženo je da se

- Informacija o Dokumentu okvirnog Budžeta-Proračuna Općine Maglaj za 2018-2020.godina, prima se k znanju.

Pauza 5-10 minuta.

AD – 3 Izvještaji o radu mjesnih zajednica za 2016. godinu;

AD – 4 Programi rada MZ za 2017. godinu;

**Predsjedavajuća OV**, predlažem ukoliko se slažete zbog vezanosti same tematike da razmatramo i Izvještaje o radu za 2016. i Programe rada za 2017.godinu, zajedno.

Otvorena je rasprava

**Vijećnik Edib Delić**, Klub SDA je razmatrao ponuđene tačke dnevnog reda...

Ja vodim Mjesnu zajednicu Moševac već treću godinu i vrlo mi je bliska problematika kad je u pitanju funkcionisanje rada mjesnih zajednica. Pročitali smo mišljenje Službe gdje sa određenim stvarima se ne slažemo, ali u principu kako je Služba navela rad po mjesnim zajednicama je vrlo teška problematika...

Nema mnogo zainteresovanih za rad u mjesnim zajednicama, pogotovo kad se uzme u obzir da se sve to radi na volonterskoj osnovi, da građanstvo nije zainteresovano da se uključi direktno u rad i funkcionisanje mjesne zajednice...

I u ranijem periodu sam isticao da nisam zadovoljan sa odnosom općinske administracije prema mjesnim zajednicama. Smatrao sam da dolaskom novog načelnika i administracije koju je on ustrojio da će se to poboljšati, međutim ne vidimo nekih bitnih pomaka u radu. Trebalo bi u narednom periodu vidjeti kako to raditi sve u cilju poboljšanja ukupnog stanja u mjesnim zajednicama. Mi smo nekada imali praksu da bar kvartalno jednom se nađemo u ovoj sali svi predsjednici mjesnih zajednica sa Načelnikom i šefovima resornih službi pa smo na tim sastancima rješavali određenu problematiku koja se ticala određenih mjesnih zajednica.

Ja ću se osvrnuti na par stvari koje je Služba predložila.

U prvoj tački se predlaže da se u svim mjesnim zajednicama izvrši izbor novih rukovodstava do kraja ove 2017.godine.

Vi znate da po Statutima mjesnih zajednica je to nemoguće uraditi. Fiskalna godina znate do kad traje, znači ne možemo bez završnih računa ni zakazivati Zbor, ni usvajati finansijske izvještaje a oni se po mojim saznanjima donose krajem februara. Taj period bi se morao pomjeriti za prvi kvartal naredne godine a ne kraj godine, kako je ovdje predloženo.

Ovdje su u jednoj tački pomenuti nameti kad je u pitanju izgradnja i održavanje električne rasvjete. Po nama ovaj prijedlog je diskutabilan iz razloga što se odnosi isključivo na građanstvo koje je svojim sredstvima radilo projekte rasvjete po mjesnim zajednicama.

Mi predlažemo da tamo gdje se radila rasvjeta uz učešće ili realizaciju kroz projekte ili finansiranje od nekoga, da se na taj dio građanstva uvede taj namet od 1 KM za održavanje rasvjete, a ne na one koji su svojim sredstvima finansirali izradu tih projekata.

Slažemo se sa prijedlogom da se u Novom Šeheru uspostavi šalter sala za obavljanje svih administrativnih poslova pošto je Šeher veći okrug i tu participira veći broj građanstva. Znači i sama udaljenost od sjedišta Općine iziskuje tu potrebu i trebalo bi u narednom periodu sagledati mogućnost da se šalter sala otvori gore kako bi građani bili što zadovoljniji tim uslugama.

Danas je sedmi mjesec mi usvajamo izvještaje i programe rada mjesnih zajednica za 2016.godinu, ona je već raspolovila i dobro prošla u drugu polovinu godine. Predlažemo da se za narednu godinu ova tačka dnevnog reda stavi što je prije moguće, kako bi prijedlozi novoizabranih predstavnika Vijeća mjesnih zajednica bili što učinkovitiji i da bi na vrijeme mogla i općinska administracija planirati određene projekte ka višim nivoima vlasti.

**Vijećnik Hajrudin Ferić**, u ime Kluba DF predložit ću neke od zaključaka. Prije toga iznijet ću neke stavove i mišljenja političke stranke iz koje dolazim... Naime, mjesne zajednice imaju svoju ustavno-pravnu i zakonodavnu funkciju, imaju svoju ulogu i propisane su kao osnovni oblik mjesne samouprave...

U ime koalicione većine, nismo za to i ja nisam za to nije ni moj Klub za to da zaista od mjesne zajednice do mjesne zajednice uzmemo, analiziramo, tabirimo sve te izvještaje i to je jedno šarenilo. Nemamo izvještaja iz 3-4 mjesne zajednice. Neke mjesne zajednice i ne postoje već duži period, neke su u rasulu, tako da bi bilo nepravedno izdvajati neku mjesnu zajednicu. Ićemo sa nekim generalnim zaključkom, a to je:

1. Da se donese u skladu sa članom 18. Statuta Općine Maglaj nova Odluka o organizacija mjesne samouprave u kojoj bi se regulisalo pitanje termina, način izbora organa mjesne zajednice, a sa ciljem da se istovremeno održe, organizuju, na propisan utvrđen način u skladu sa kriterijima itd. izbori za organe mjesne zajednice po našoj nekoj procjeni to bi bilo sasvim dovoljno da se ova Odluka donese do sredine ili kraja oktobra, a da se ovi izbori obave na osnovu te odluke, do sredine ili do kraja januara mjeseca 2018.godine. To su i rokovi koja predlažem, a da mi ovdje dogovorimo na koji način da se formira mješovita radna grupa od ljudi kojima ta oblast nije daleka.

U toj mješovitoj grupi bi bili od predstavnika koje odredi Načelnik i naravno predstavnika koje odredi OV da je zaista uradimo kvalitetno. Lično smatram da bi kroz izradu te odluke puno stvari koje je malo prije pobrojao i koje zaslužuju da se sistemski pokušavaju riješiti u nekom narednom periodu mogle da se uvrste kako bi se poboljšao rad mjesnih zajednica. Dosta tih primjedbi koje sam naveo ne bi se dešavale u nekom periodu i na kraju kako bi mjesne zajednice mogle i napredovati u infrastrukturnom i svakom drugom pogledu, a isto tako i učestvovati u raznim projektima koji će biti sigurno sve češće raspisivani i od međunarodnih i od domaćih faktora. Znam da je intencija da se ta mjesna samouprava ili približavanje građanima na cijelom području cijele općine da su to sad atraktivni projekti i da će biti i ubuduće i da to trebamo iskoristiti.

Nadam se da ćemo uraditi što prije registar socijalnu kartu stanovništva po mjesnim zajednicama. Vi se sjećate koji ste po mjesnim zajednicama da ste to trebali uraditi i završiti. Po meni jako važan kapitalan projekat da se uradi, da bude gotovo i da se na osnovu toga dalje može planirati i realizovati.

Predlažem da zadužimo Načelnika da on formiraju ovu radnu grupu a da vodi računa da ga obavežemo da tu budu predstavnici i mjesnih zajednica i ljudi koji razumiju politički pravni ustavni sistem, a i ljude koje ćete vi odrediti iz administracije koji mogu svojim znanjem i kompetencijama da budu uvršteni u tu radnu grupu. Da li 5 ili 7, ali neka bude mješovita i u tom smislu sastavljena. Samo da urade kvalitetno taj program.

U raspravi su dalje učestvovali vijećnici Hajrudin Ferić, Safet Jašić, Općinski načelnik.

**Vijećnik Hajrudin Ferić**, sad želim da preciziram tu mješovitu radnu grupu. Neka to budu predstavnici političkih partija koji ovdje funkcionišu, koji imaju svoje vijećnike u vijeću dakle, po jedan iz svakog političkog

subjekta i predstavnici koje odredi Načelnik, da li će to biti predstavnici Službe, savjetnici ili neko koga on odredi, ako je to 7 da nam se predloži taj prijedlog ili nacrt Odluke o organizovanju mjesnih zajednica.

**Vijećnik Safet Jašić**, shvatio sam dopredsjedavajućeg, ali sa ovim predstavnicima svih političkih partija, se ne slažem. Uvodimo politiku tamo gdje ne treba da bude i nema je sigurno. Ja opet kažem zar ne može Služba uraditi ovo što ste vi predložili gospodine dopredsjedavajući.

**Predsjedavajuća OV**, zaključujem raspravu i predlažem

Pauza za Klub SDA

## ZAKLJUČAK

3.1. Informacija o Izvještajima za 2016. godinu i Programima rada mjesnih zajednica za 2017. godinu, prima se k znanju.

3.2. Zadužuje se Općinski načelnik da formira mješovitu Radnu grupu od 7 članova u čiji će sastav ući i predstavnici Službe, a da će SDA dostaviti u skorijem vremenu imena za svoja 2 člana u što kraćem roku, a čiji zadatak je da pripremi kao prijedlog Odluku o organizovanju MZ na području Općine Maglaj do sredine oktobra 2017. godine. Zadatak Komisije je da utvrdi principe, kriterije i postupak kako bi se izbori za organe MZ mogli obaviti istovremeno u svim MZ Općine Maglaj, a najkasnije u prvom kvartalu 2018. godine.

U Mješovitu radnu grupu ulaze predstavnici Političkih subjekata koji imaju vijećnike u OV Maglaj, kao i predstavnici Općinskih službi koje odredi načelnik Općine Maglaj.

Zadužuje se Klub SDA da dostavi prijedlog imena za sastav mješovite Komisije.

3.3. Mješovita Radna grupa će uobziriti prijedloge iznesene od strane Kluba SDA u toku diskusije vijećnika Ediba Delića.

3.4. Zadužuje se Radna grupa da do sredine mjeseca oktobra 2017. godine sačini i analizu rada mjesnih zajednica u koordinaciji sa predsjednicima Vijeća Mjesnih zajednica i predložiti adekvatne korake u reorganizaciji istih.

Usvojeno jednoglasno

AD – 5 Informacija o digitalizaciji matičnih knjiga;

Otvorena je rasprava

**Vijećnik Mirsad Bejić**, Klub vijećnika SDA prima k znanju Informaciju o digitalizaciji matičnih knjiga i smatramo da je neophodno još jednom istaći slijedeće:

- Unos podataka iz Matičnih knjiga u elektronsku bazu «Dodima» koja je obezbijedena za tu svrhu 2004.godine, do stupanja na snagu novog Zakona o Matičnim knjigama iz 2012.godine, u potpunosti je izvršen u terenskim uredima u Novom Šeheru i Kosovi, dok je ostao ne unesen određeni broj upisa iz Matičnih knjiga vjenčanih i Matičnih knjiga umrlih u centralnom matičnom uredu u Maglaju, a radi se o propisanim matičnim knjigama vjerskih zajednica i to za period do 1945.godine.

- Automatsko prepakivanje podataka iz stare elektronske baze «Dodima» u novu elektronsku bazu «Datanova» što je bio uslov za spajanje svih matičnih ureda na općinski matični registar, a samim tim i na centralni matični registar i umrežavanje sa ostalim matičnim uredima na nivou Federacije, nije uspjelo. Odnosno, prepakovani su nepotpuni podaci iz centralnog matičnog ureda u Maglaju, dok prepakivanje podataka iz terenskih ureda u Novom Šeheru i Kosovi apsolutno nije uspjelo.

- Prema informacijama iz firme «Itineris» iz Tuzle koja je radila na prepakivanju podataka i koja održava aplikaciju «Datanova» kao i kompletan sistem općinskih matičnih registara i centralnog matičnog registra u Federaciji BiH, ne postoji mogućnost da se naknadno izvrši prepakivanje podataka. Jedini način da sada podaci budu dostupni svim matičnim uredima u Federaciji BiH, odnosno našim građanima koji žive van granica općine Maglaj, jeste ponovno ručno unošenje podataka iz matičnih knjiga u aplikaciju «Datanova».

- Obzirom da se radi o zaista jako važnom pitanju za naše građane zbog svakodnevne potrebe za izvodima i uvjerenjima iz matičnih knjiga, neophodno je pronaći adekvatan modus da se sve raspoložive snage i sredstva usmjere na unos podataka. Ovaj zadatak je svakako višegodišnji posao. Napominjemo da je proces unosa podataka u aplikaciju «Dodima» trajao više od 6 godina za terenske urede, a zbog promjene mjesne nadležnosti u oblasti matičnih knjiga iz Zakona o izmjenama i dopunama Zakona o matičnim knjigama iz 2014.godine, smanjen je prostor da matičari mogu pored redovnih poslova uraditi nešto bitno na unosu podataka. Na žalost, zbog ograničenja iz Zakona o zaštiti ličnih podataka, ovaj dio posla mogu raditi isključivo ovlašteni matičari, te je potrebno pronaći adekvatno rješenje unutar raspoloživih kapaciteta.

Tražim da se moje izlaganje unese u zapisnik u skladu sa članom 95. Poslovnika o radu OV.

**Vijećnik Firuz Galijašević**, stav Kluba SDP-a je da zadužuje se Služba za BiZ, opću upravu i društvene djelatnosti da u što kraćem roku izvrši unos podataka u elektronsku bazu, a da narednu informaciju o postotku unosa dostave do kraja godine.

**Predsjedavajuća OV**, zaključujem raspravu i predlažem

- Informacija o digitalizaciji matičnih knjiga se prima k znanju.

#### Z A K L J U Č A K

5.1. Zaduje se Služba za BiZ, opću upravu i društvene djelatnosti da u što kraćem roku izvrši unos podataka u elektronsku bazu, a da narednu Informaciju o procentu unosa podataka dostavi do kraja godine.

Usvojeno jednoglasno

AD – 6 Nacrt Odluke o dimnjačarskoj djelatnosti na području općine Maglaj;

Otvorena je rasprava

U raspravi su učestvovali vijećnici Selma Avdić iznijela lični stav.

**Vijećnik Edib Delić**, Klub SDA je razmatrao nacrt Odluke o dimnjačarskoj djelatnosti na području općine Maglaj i predlažemo slijedeće:

- Da nosilac aktivnosti po ovoj Odluci bude KJD Maglaj. Pomenuto društvo je nekad u ranijem svom sastavu imalo dva zaposlena dimnjačara i oni su obavljali sve dimnjačarske poslove u gradu.
- Obaveze za najveći dio aktivnosti koje su navedene u ovoj odluci treba da se odnose na pravna lica i zgrade koje imaju 2 ili više stanova u okviru građevinskog objekta, a ne na individualne objekte.
- Zašto se u preambuli ove odluke poziva na Federalni zakon o principima lokalne samouprave, kao i Federalni zakon o zaštiti od požara i vatrogastva? Ne poziva se na Kantonalni zakon o protivpožarnoj zaštiti i vatrogastvu iz 2011. godine?

**Predsjedavajuća OV**, govorimo o nacrtu, te da će vjerovatno u javnoj raspravi biti više prijedloga, a i ove prijedloge koje ste iznijeli da se na javnoj raspravi u pisanoj formi dostave. Zaključujem raspravu i predlažem

#### Z A K L J U Č A K

6.1. Usvaja se Nacrt Odluke o dimnjačarskoj djelatnosti na području općine Maglaj.

Općinsko vijeće otvara javnu raspravu u trajanju od 60 dana.

Zadužuje se Služba civilne zaštite za provođenje javne rasprave.

Usvojeno jednoglasno.

AD – 7 Informacija o aktivnostima vezanim za BBM Brezove Dane;

**Općinski načelnik**, uvodno izlaganje po pitanju Informacije.

Otvorena je rasprava u kojoj su učestvovali Mustafa Bešić, Selma Avdić.

**Predsjedavajuća OV**, zaključujem raspravu i predlažem

- Informacija o aktivnostima vezanim za BBM Brezove Dane, prima se k znanju.

#### Z A K L J U Č A K

7.1. Općinsko vijeće daje podršku Općinskom načelniku da u pregovorima nastupa štiteći interese lokalne zajednice i njenih građana.

Usvojeno jednoglasno

Vijećnik Delić Edib je napustio sjednicu Općinskog vijeća zbog ranije preuzetih obaveza, tako da Vijeće radi sa 23 vijećnika.

AD –8 Rješenje o formiranju građevinske parcele za planirani stambeno-poslovni objekat, označene brojem 30 A na planu parcelacije Regulacionog plana Centar Maglaj-sjeverni dio i dodjeli zemljišta Organizaciji RVI općine Maglaj, radi formiranja iste;

**Fuad Hajrulahović**, uvodno izlaganje.

**Vijećnik Muhamed Hrnjić**, stav Komisije za privredu, prostorno uređenje i zaštitu okoline je, da se usvoji Rješenje kako je predloženo. Komisija je predložila cijenu od 140,00 KM/m<sup>2</sup>.

**Vijećnik Hajrudin Fermić**, izglasavanjem ovog rješenja mi na neki način finaliziramo jednu desetogodišnju agoniju u kojoj se nalazila i nalazi Organizacija RVI i njeno rukovodstvo u Maglaju. Ovo je politički stav, na taj način sve njihove propuste, greške, promašaje itd. nagrađujemo ovim glasanjem. Klub DF će biti suzdržan po ovom prijedlogu rješenja i Klub DF želi da naglasi da, vi glasajte kako god želite, sasvim je legalno pravo ljudi iz RVI, odnosno tog budućeg investitora da uradi ono što je naumio i da se to provede kako je i naumljeno. Mi iz par nekih razloga nećemo da nagrađujemo svih onih deset godina, a imamo i pitanja i puno dilema. Bez obzira na ova obrazloženja, to su politička pitanja i neće biti argumenata koji će reći otkud 212 m<sup>2</sup> da se ide neposrednom pogodbom, na koji način i zbog čega se nije izvršila drugačija preparcelizacija, zašto se sve ovo vuče na ovaj način od 2007. 2008. godine kad su se kupovale te zgrade od strane Općine, dobijale pare, pa se ponovo ovamo davalo i svašta nešto. Uglavnom nismo i nije tačka dnevnog reda da pričamo o tom istorijatu i rada ORVI, a istorijatu tog placa tamo. Imamo pred sobom rješenje, a čak se ne zna ni koji ni kakav prostor, ne zna se ni kakav stambeno poslovni prostor će se tamo graditi jer Služba još uvijek ne može da odredi ni cijenu rente. Praktično idemo na nešto neviđeno, ali ja potpuno prihvatam legitimo pravo, zahtjeve i interese i RVI-a i investitora. Na Općinskom vijeću je kako će odlučiti.

Klub SDP-a pauza 5 minuta.

**Vijećnik Safet Jašić**, mi smo i ranije htjeli da RVI i ostvari ono što je krajnji cilj i bio. Kako su se oni snalazili svo ovo vrijeme i ovih godina, to je možda malo diskutabilno ili njihov problem. Što se tiče ovog sada materijala Klub vijećnika SDA će podržati sigurno svaku aktivnost da RVI riješi svoje pitanje za koje se zalaže sve ove godine. Mi podržavamo ovaj materijal i predlažemo da se donese Rješenje.

**Predsjedavajuća OV**, zaključujem raspravu i predlažem

#### Z A K L J U Č A K

8.1. Donosi se Rješenje o formiranju građevinske parcele za planirani stambeno-poslovni objekat, označene brojem 30 A na planu parcelacije Regulacionog plana Centar Maglaj-sjeverni dio i dodjeli zemljišta Organizaciji RVI općine Maglaj, radi formiranja iste.

8.2. Općinsko vijeće Maglaj utvrđuje cijenu od 140,00 KM/m<sup>2</sup>.

**Glasalo 21 glas za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić i Mustafa Bešić SBB, Adis Abdurahmanović, Nedžad Alispahić, Selma Avdić, Kanita Bašić, Mirsad Bejzić, Benjamin Čičkušić, Safet Jašić, Edina Jašić, Ermina Muminović, Dženita Smajlović SDA, Elvir Vehabović SBiH, Mustafa Buljubašić samostalni vijećnik.

**Glasalo 2 glasa uzdržana:** Fermić Hajrudin, Delić Fikret (DF) .

AD – 9 Prijedlozi Odluka po ponudi za otkup zemljišta Hrnjić (Ibrahim) Said iz Misurića;

**Fuad Hajrulahović**, uvodno izlaganje.

**Vijećnik Mustafa Buljubašić**, stav Komisije za privredu, prostorno uređenje i zaštitu okoline je, da se odbije zahtjev Hrnjić Saida iz Misurića.

Otvorena je rasprava u kojoj su učestvovali vijećnici Safet Jašić, Svjetlana Zamboni, Hajrudin Fermić.

**Predsjedavajuća OV**, zaključujem raspravu i predlažem

#### Z A K L J U Č A K

9.1. Općinskom vijeće ne prihvata Odluku po ponudi za otkup zemljišta od Hrnjić (Ibrahim) Said iz Maglaja.

9.2. Po okončanju izrade Elaborata o vodozaštitnim zonama rješavati imovinsko pravne odnose sa vlasnikom zemljišta.

**Glasalo 13 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić i Mustafa Bešić SBB, Elvir Vehabović SBiH, Mustafa Buljubašić samostalni vijećnik, Fermić Hajrudin, Delić Fikret (DF).

**Glasalo 10 glasova protiv:** Adis Abdurahmanović, Nedžad Alispahić, Selma Avdić, Kanita Bašić, Mirsad Bejzić, Benjamin Čičkušić, Safet Jašić, Edina Jašić, Ermina Muminović, Dženita Smajlović SDA.

Sjednicu su napustili vijećnici Safet Jašić i Benjamin Čičkušić

AD – 10 Prijedlog Odluke o usvajanju djelimične izmjene Regulacionog plana «Centar Maglaj – sjeverni dio»;

Otvorena je rasprava

**Vijećnik Mustafa Buljubašić**, stav Komisije za privredu, prostorno uređenje i zaštitu okoline je, da se usvoji Odluka o usvajanju djelimične izmjene Regulacionog plana «Centar Maglaj – sjeverni dio» po zahtjevu Hrnjić Minadira iz Maglaja.

**Predsjedavajuća OV**, zaključujem raspravu i predlažem

## Z A K L J U Č A K

10.1. Usvaja se Odluka o usvajanju djelimične izmjene Regulacionog plana «Centar Maglaj – sjeverni dio», po zahtjevu Hrnjić Minadira.

**Glasalo 12 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Fermić Hajrudin, Delić Fikret (DF).

**Glasalo 9 glasova uzdržanih:** Adis Abdurahmanović, Nedžad Alispahić, Selma Avdić, Kanita Bašić, Mirsad Bejzić, Benjamin Čičkušić, Safet Jašić, Edina Jašić, Ermina Muminović, Dženita Smajlović SDA, Muhamed Hrnjić SBB.

**Općinski načelnik**, imam dva prijedloga, jedan je prijedlog da napravimo odmah sad pauzu pa da nastavimo za dva sata, ili ukoliko se slažete s obzirom da je i Pravobranilac obrađivao ovu Odluku da ima određenih nedostataka u samoj Odluci, mi smo govorili o produženju roka, ali ima nedostataka, pa da eventualno prekinemo današnju sjednicu bez brifinga i vijećničkih pitanja. Da vijećnička pitanja dostavite mailom ili pismeno da ćete dobiti odgovore, bez usmenog izlaganja.

AD – 11 Odluka o uslovima za proširenje poslovnih prostora, produžavanje roka za prijavu.

**Predsjedavajuća OV**, Zbog sugestija Općinske pravobraniteljice a vezano za Odluku o uslovima za proširenje poslovnih prostora, ista se skida s dnevnog reda i bit će pripremljena za jednu od narednih sjednica Vijeća.

Usvajeno jednoglasno

**Predsjedavajuća OV**, predlažem da se ta vijećnička pitanja pročitaju i u Reporteru jer su to zvanična vijećnička pitanja koja će važiti za ovu sjednicu OV.

## VIJEĆNIČKA PITANJA I INICIJATIVE

Vijećnička pitanja su dostavljena u pisanoj formi.

### **Vijećnik Firuz Galijašević**

#### **Vijećnička inicijativa :**

Zbog kritika mještana Moševca, a sve u vezi sigurnosti učenika koji pohađaju nastavu u Područnoj školi Moševac, potrebno je prije početka nove školske godine postaviti ležeće policajce sa obje strane ulaza u dvorište pomenute Područne škole.

Vijećnička pitanja i inicijative Kluba SDA :

1. Klub vijećnika SDA nije zadovoljan odgovorima na vijećnička pitanja i inicijative, obzirom da do sada na 90% postavljenih nismo dobili nikakav odgovor.
2. Klub vijećnika SDA traži da na sva postavljena pitanja dobiju odgovor u pisanoj formi i ne prihvata nikakve usmene odgovore iznesene na sjednici Općinskog vijeća.

#### **Vijećnička inicijativa:**

Klub SDA traži da se izvrše izmjene i dopune akta kojim se definišu poticaji poljoprivredne proizvodnje i predlaže da se ni u jednom slučaju ne može izvršiti smanjene, te predlažemo da se uzgoj i proizvodnja malina, jagodičastog